

Statuts

Uniun da dunnas SAGOGN

1. Num e domizil

Art. 1

L' uniun da dunnas Sagogn ei ina uniun tenor art.60 dil Cudisch civil svizzer cun sedia a Sagogn. Ella ei commembra dall' Uniun catolica da dunnas dil Grischun, nua ch' ella paga ina contribuziun annuala ed ei aschia era commembra dall' Uniun catolica da dunnas svizra.

2. Intent e finamira

Art. 2

L' Uniun da dunnas Sagogn vul reunir las dunnas cun tenuta cristiana.

Ella sefa activa per elaborar ed ademplir pensums che surveschan al beinstar general, religius e public sco era la tgira dalla cuminonza, independentamein ni ensemen cun autras organisaziuns. Ella promova la formaziun generala dalla dunna.

Art. 3

L' uniun ha oravontut ils sequents pensums :

- promover il svilup personal dallas dunnas en las differentas fasas e situaziuns dalla veta.
- surprender pensums socials
- tgirar la cuminonza e la solidaritad denter las dunnas
- s' engaschar per il spért ecumen
- tgirar e defender ils interess dall' uniun e sias commembras
- colluvrar cun auters gremis ed autras instituziuns en vischnaunca, regiun e cantun
- mantener il contact cun l' Uniun catolica da dunnas dil Grischun e cun l' Uniun catolica da dunnas dalla Svizra.

3. Commembras

Art. 4

La pusseviltad da daventar commembra han tuttas dunnas sesentas a Sagogn, cun pagar la contribuziun annuala.

4. Organisaziun

Art. 5

Ils organs dall' Uniun da dunnas Sagogn ein :

- a) La radunonza generala
- b) La suprastonza
- c) Las revisuras da quen

Art. 6

La radunonza generala ei il suprem organ dall' uniu. Ella ha liug annualmein mintgamai el decuors dil εμπrem quartal calendaric.

L' invitaziun succeda entras publicaziun el Fegl official dalla Surselva cun indicaziun dallas tractandas. Quei sto daventar silmeins 15 gis ordavon.

Radunonzas generalas extraordinarias san vegnir convocadas entras la suprastonza ni entras las revisuras ni sche in tschunavel dallas commembras pretenda quei per scret cun indicar alla suprastonza las tractandas.

Art. 7

Propostas per mauns dalla radunonza generala ston vegnir inoltradas sil pli tard 4 jamnas ordavon tier la suprastonza.

Art. 8

Per elecziuns e votaziuns vala il pli dallas vuschs dallas commembras presentas. Elecziuns e votaziuns vegnan fatgas cun maun pli, nunche la maiortad dallas commembras presentas pretendien scrutini. En cass da paritad dallas vuschs decida la presidenta.

Art. 9

La radunonza generala ha ils suandonts duers :

- approbar il protocol dalla davosa radunonza generala, il rapport annual ed il rendaquen
- fixar la contribuziun annuala dallas femnas
- eleger la presidenta, la cassiera, ulteriuras commembras da suprastonza e las revisuras
- decider sur da revisiun dil statuts
- decider sur d' ina eventuala dissoluziun dall' uniu
- prender decisiuns en fatgs tractandai.

Art. 10

La suprastonza secumpona da 5 commembras.

La presidenta e las ulteriuras suprastontas vegnan elegidas dalla radunonza generala.

Cun excepziun dalla presidenta seconstituescha la suprastonza senza suenter la radunonza generala.

La perioda d' uffeci cuoza 2 onns.

Las suprastontas san vegni reeligidas 3 gadas.

Il cuoz d' uffeci dalla presidenta ei independents dil temps en suprastonza.

Demissiuns :

Periodicamein astgan mo duas suprastontas demissiunar.

Art. 11

La suprastonza ha ils sequents duers :

- direger las fatschentas dall' uniu

- procurar per in program annual
- preparar la radunonza generala ed eventualas midadas da statuts
- exequir las decisiuns dalla radunonza generala
- representar l' uniun anovias

Art. 12

La **presidenta** diregia las tractandas dall' uniun. Ensemen cun las ulteriuras commembras dalla suprastonza meina ella las fatschentas currentas. Alla radunonza generala dat ella in rapport en scret davart las activitads dall' uniun.

La **vicepresidenta** che po esser el medem temps actuara, representa la presidenta en tuttas funcziuns, sche quei ei necessari.

L' **actuara** meina il protocol.

La **cassiera** meina la contabilitad ed il register da commembras.

Art. 13

Las **revisuras** han da controllar il quen che siara mintgamai ils 31.12 e da far rapport e proposta correspondentia alla radunonza generala.

5. Finanzas

Art. 14

Ils **mieds** finansials consistan ord :

- contribuziuns annualas
- recavs, occurenzas, bazars, etc.
- donaziuns
- la facultad dall' uniun ed ils tscheins correspondentes.

Art. 15

Ultra dallas spesas (art. 17) e da quei ch' ei vegniu decidiu enteifer las radunonzas ei la suprastonza cumpetenta da disponer d' ina summa da maximal frs. 1000.- .

Art 16.

Per tuttas obligaziuns finansialas dall' uniun ha suletamein la facultad dall' uniun da star buna.

Art. 17

Las commembras dalla suprastonza ni lur delegadas vegnan **indemnias** per lur spesas ord la cassa dall' uniun (telefons, portos, viadis, pasts, etc.).

Art. 18

L' uniun paga all' Uniun catolica da dunnas dil Grischun la contribuziun che lezza fixescha alla radunonza da delegadas.

6. Determinaziuns finalas

Art. 19

Per tuts cass ch' ein buca stipulai en quels statuts valan ils statuts dall' Uniun catolica da dunnas dil Grischun.

Art. 20

Ina revisiun parziala ni totala dils statuts sa vegnir fatga sin proposta dalla suprastonza ni dad 1/5 dallas commembras. Per quei intent drova ei 2/3 dallas vuschs dallas presentas.

Art. 21

La soluziun dall' uniun sco era nua imponer la facultad sa mo la radunonza generala decider cun 2/3 dallas commembras presentas.

Art. 22

Quels statuts ein vegni approvai dalla radunonza generala dils 12 da mars 1997 ed entran en vigur immediat suenter l' approvaziun entras l' Uniun catolica da dunnas dil Grischun.

Per l' Uniun da dunnas Sagogn :

Sagogn, mars 1997

La presidenta :

L' actudara :

Approbau entras l' Uniun catolica da dunnas dil Grischun :

Glion / Cuera, avrel 1997

La presidenta :

Gruppa dunna e societad :